

La Via Baltica (1989)

Chadaina umana da trais pievels

DA GUIU SOBIELA-CAANITZ

■ **Estonia, Lettonia, Lituania (1): Tgi da nus ch'ha studegià geografia europeica avant Bumaun 1992 ha lezza giada strusch dudi da quels pajais pitschens. L'Uniun sovietica, victura da 1945, tanscheva fin las inslas da quella mar ch'ìls Polonais numnan Morze Baltickie.** Suenter la Segunda Guerra mundiala han las truppas sovieticas bandunà l'insla danaisa da Bornholm pir ils 5 d'avrigl 1946. Il Balticum ha stuì cumpor tar l'annexiun fin avust 1991 cur ch'ìls trais pajais han profità dal putsch da Moscau per confermar mintgamai lur proclamaziuns da 1918. Tuttas trais eran gia lezza giada independentas grazia a la situaziun revoluziunara en la Russia bolschevica.

L'indipendenza da las trais republicas

L'istoricher Piir Rohtrots (Universitad da Tartu, Estonia) ha gist publictà in esai davart la genesis da quellas independenzas (2). Sia introducziun entschaiva cun plets che nus translatain uschia: «Suenter l'entschatta da la pussanza da Mihajl [Sergejejevitich] Gorbatschov [*1931] e da sia politica da 'Glasnost' e 'Perestrojca' (1986) ha la glieud da las republicas balticas chapì las schanzas da la 'glasnost' ('trasparenza') ed ha entschavì a renovar ils tocs betg anc perscrutads da lur istorgia. Dapi 1940 aveva la regenza scrit (...) ina nova istorgia sovietica che taschentava per gronda part il passà da las republicas balticas occupadas 1940 da l'URSS. En Estonia (...) è naschida uffizialmain 1987 la 'Societad per l'ierta estona' (EHS). Lezza ha arranschà ina rimnada da regurdan-



Ils trais pajais Estonia, Lettonia e Lituania han mintgamai ina surfatscha da 45 339, 64 573 e 65 286 km²; i dumbravan 2017 mintgamai 1 315 635 olmas (il 2017), 1 934 379 (il 2018) e 2 808 901 (il 2018).

zas per eliminar ils spazis vids da l'istorgia estona durant l'occupaziun sovietica. L'EHS ha plinavant commemorà la proclamaziun da l'indipendenza estona (24 da favrer 1918) e la pasch da Tartu (2 da favrer 1920) nua che la Russia ha renconuschì quella independenza, sco era las deportaziuns vers la Sibiria (95 000 umans dal Balticum il 1949)» (p. 17).

Il nunemblidaivel patg Molotov-Ribbentrop

Ils 23 d'avust 1939 ha dictatur Josif Visarionovitsch Stalin [1878–1953] accumulì ina vieuta diplomatica impresunanta: El ha incumbensà ses minister Viatscheslav Mihailovitsch Molotov [1890–1986] da firmar cun il collega tudestg Joachim von Ribbentrop [1893–1946]:

1. in «Nichtsangriffsvertrag»
2. protocols supplementars secrets davart differents territoris, d. a. l'Estonia, la Lettonia e la Lituania.

Rohtmets rapporta: «L'avust 1988 (...) ha l'istoricher eston Heino Arumäe [*1928] publictà e commentà ils protocols supplementars en la pli gronda gasetta estona dal di «Rahva Hääl». I eran gia vegnids publictgads en la pressa polonaisa

(...). Ils 13 e 14 da matg 1989 han las fronts naziunalas da las republicas balticas arranschà a Tallinn ina scuntrada cuminaivla ch'ha fundà ina radunanza baltica (...). Lezza ha pretais dal Sovjet suprem da l'URSS e dal secretari general da l'ONU ch'i annulleschian ils documents firmads ils 23-8-1939 da Molotov e Ribbentrop (...). Ils 15 da fanadur 1989 ha la radunanza baltica decidì d'organisar ils 23-8-1989 ina chadaina umana da Tallinn a Riga e Vilnius [las trais chapitalas] e da la numnar Via Baltica. I sa tractava pia da radunar tschientmillis umans aifer pauc dapli ch'in mais (...). En Lettonia han ins ornà las bandieras cun latschs nairs (...): Igl era in di da malencurada (...). La chadaina umana era lunga 675,5 km – 211,5 en Estonia, 262 en Lettonia, 202 en Lituania. I deva plinavant vias lateralas; sin quellas stevan era participants (...). En las chapitalas devi blera glieud e perquai pliras filas, en total anc passa 60 km. Igl è cler ch'ins na po betg dir precis quants umans hajan fatg part da la Via Baltica – il pli probabel var dus milliuns» (pp. 18–19).

In success

Rohtmets concluda: «Grazia a la Via Baltica ha l'entir mund pudì enconuscher las pretais dals pievels dal Balticum. Suenter la demonstraziun paschavla pudeva Moscau strusch far pass aggressivs (...). Ils 11 da mars 1990 ha la Lituania sa declerà independenta. Il schaner 1991 han truppas sovieticas attatgà tuttina demonstrators paschavels a Vilnius e mazzà 15. Estonia e Lettonia eran pli prudentas. Il mars ed il matg 1990 han lezzas declerà che l'URSS las haja annectadas 1940. L'avust 1994 èni sa decleradas independentas» (p. 20). Quai èni ussa tuttas trais. Il matg 2004 èni vegnidas commemoras da l'Uniun europeica.